

四庫全書

經部

欽定四庫全書

經部

春秋經解卷

五四

詳校官給事中臣戴璐

給事中臣溫常綬覆勘

總校官進士臣程嘉謨

校對官中書臣陸湘

謄錄監生臣胡灝

欽定四庫全書

春秋經傳卷四

莊公下

十有六年春生正月夏宋人齊人衛人伐鄭

去年之冬鄭嘗侵宋宋於是報其見侵之役故率衛
以伐鄭也齊威將謀伯業求合諸侯故從宋人以伐
鄭宋總三國之衆聲罪而伐人之國勢必不使徵者

宋 孫覺 撰

主然經皆書人者蓋齊威行伯不務德政以為懷來天下而專恃威武貶齊稱人則宋衛不得書爵也宋雖主兵而齊威以伯者隨從國大力強不可逃行師之責也左氏曰諸侯伐鄭宋故也此就是

秋荆伐鄭

前年荆嘗入蔡於是又伐鄭焉所以見荆蠻之強而中國之衰也不早備之將橫行於天下故二十三年來聘遂稱荆人僖元年伐鄭遂稱楚人也於此書荆

言其尚可禦也

冬十有二月會齊侯宋公陳侯衛侯鄭伯許男滑伯滕子同盟于幽

齊與魯為世仇春秋於莊公之交齊皆以釋怨罪之
未嘗一許之也蓋聖人之意以謂不同天之仇無時
可與通敵雖齊襄已沒小白易世而春秋罪之如新
見殺也柯之盟始平於齊而經書其事顯言公會蓋
亦釋怨而交齊也至幽之盟則齊威已伯諸侯已服

魯於是時最為弱小若莊公反仇讐之怨棄絕盟主而倔強不從則齊威必帥諸侯而伐我國且至於危亡而社稷不保也春秋通之以一時之權故於幽以盟沒去魯公而列序諸侯以謂莊公之為是盟非以釋怨而交齊所以同尊王室而求天下之安也父之仇則不可與之同天矣然天子之土地先君之祭祀又不可快一朝之忿怒而自取於危亡也此春秋所以曲盡人情之難而深明輕重之權也陳入春秋會

盟皆在衛下於是齊威主盟以其三恪之國進而在
衛之上又其近楚之國恐其叛去亦稍懷來之爾春
秋書盟者多矣未有曰同盟者二百四十二年之間
其書同盟者十有八蓋盟載之書有同獎王室同卹災
患之語有異於以強陵弱以大脅小之盟故特書曰
同盟也穀梁曰不言公內外寮一疑之也案莊公之
交仇讐蓋非一日也但春秋欲著其法故特沒公以
明雖仇讐之國若至於尊王室強中國則雖與之盟

金史卷八十二 卷四
未為過耳內外察一疑之有何義乎左氏曰鄭成也
按經書同盟所以別盟之不同者若因鄭成而謂之
同又非義也公羊曰同欲也按欲有善惡若同心為
惡春秋亦書之為同何以別為善乎啖子曰同盟者
謂其盟詞同此說是也

邾子克卒

邾者魯附庸之國隱元年威十七年與魯盟皆稱儀
父而未有爵命至是始子者蓋自齊威稱伯之後嘗

從之會盟侵伐故進之為子爵也克者儀父之嗣君也儀父之卒不見於經者附庸之君未有爵命畧而不書也左氏隱元年傳曰邾子克未王命故不書爵曰儀父貴之也按若儀父實字然春秋之於元年稱字以貴之則隱之元年能與魯盟而儀父在位固已久矣至是書卒又四十五年矣據此決非一人也左氏但見儀父春秋不書其卒故以克為儀父此說非也

十有七年春齊人執鄭詹

春秋之法執諸侯執大夫不以其有罪無罪皆書曰
人以明執人之君臣者不可以專也必受命於天王
天王命之執則執之矣不命於天王而專執者皆為
有罪也執人之君則係國之存亡執人之大夫則係國
之治亂執有罪者猶為不可況無罪乎孟子曰今有
殺人者或曰人可殺與曰可曰孰可殺之曰為士師
則可以殺之殺人者固有罪矣然非士師則殺之不

可他國之君他國之大夫雖有罪當執然不受於天
王而執之則亦猶非士師而殺人也故春秋執人之
君執人之臣者一皆貶之曰人以其非所執而執之
行如匹夫也春秋書見執者無貶辭焉蓋曰以人君
之尊以大夫之位而見執於他邦則不待貶絕而罪
惡見矣執鄭詹者齊侯也不曰齊侯貶之也鄭詹鄭
之大夫不書氏族未命者也鄭詹事迹不見於經傳
惟公穀以為佞人不知何據而言之也左氏曰鄭不

朝也若鄭不朝齊而但使詹往則詹為行人於經當書執鄭行人詹不得但曰鄭詹也穀梁曰不得不錄其本穀梁之意蓋以經為下文逃來張本爾趙子非之曰但書自齊逃來知見執假先書乎

夏齊人殲于遂

春秋之義凡自取之者以自取為文齊嘗滅遂使人戍之為遂所殺至于殲盡齊滅人之國以戍守之而卒至于殲非遂人之罪齊人自取之耳齊不戍遂遂

人安得齊人而殺之乎故特變例而書之曰齊人殲于遂梁亡非人之亡也梁自亡爾鄭棄其師非他國敗之也鄭自棄爾齊人殲于遂罪之深而憫遂之滅也穀梁曰狎敵也按若齊成能謹為齊守則遂終滅矣若果責齊人狎敵則是教之滅人之國而固守之也何以為訓乎

秋鄭詹自齊逃來

春秋之法義當留而竊去曰逃鄭詹為鄭之執政大

臣至於見執已有罪矣然齊執詹必有以怒鄭也為
詹者當伏節死義以紓一國之難可也乃苟免其一
身之死遁逃而去齊於是之時威公方伯而天下諸
侯皆已服從能事之者身榮而國安違且叛之則身
危而國削鄭詹既已見執因服從之猶及救其難也
乃苟全其身遁逃去之詹固有罪矣然魯容罪人而
納之以抗天下之盟主亦未免乎有罪也書曰鄭詹
自齊逃來所以兩罪之也公羊曰何以書甚佞也假

使詹非佞人則苟免其身而遁逃亦不勝其罪矣

冬多麋

春秋之法以有為災則書有有蜮是也以無為異則書無無冰是也至於麋者常有之物雖有之不足以為異惟其多而害五穀則書之公羊曰記異也按異者非常可怪也如麋者常有之物雖多不足以為怪其為災則書害也杜預曰以災故書此說是也
十有八年春王三月日有食之

春秋日食之例有書日書朔者有書日而不書朔者有日與朔皆不書者書日書朔日食正朔舊史之詳備孔子因之以傳信也日而不朔者食不在朔或在晦或二日孔子以歷者之失因而畧之以正後世之歷也日朔皆不書者舊史所無孔子闕之以傳疑也春秋之間日食不書朔與日者惟二而已亦足以知舊史所闕者亦少也穀梁曰夜食也何休嘗非之當矣

夏公追戎于濟西

春秋書追者皆寇已去而追之也齊人侵我西鄙公追齊師至鄙不及先言侵而後言追蓋侵事已成既去而追之公追戎于濟西不言戎之侵伐但曰追者蓋戎來為寇以我備之而遁去兵無所加但追之而已春秋書追者二皆譏之也禦戎之道來則拒之去則勿追禦之道素修則彼必不來來不為寇去則已又追之至濟西焉公不能使之不來而徒追之也齊

人侵我追之至鄙我禦敵之道不修而至于見侵於
其來也又無其備至已侵而去又窮追之凡追皆罪
之也左氏曰不言其來諱之按文七年書狄侵我西
鄙未嘗諱也公羊曰大其為中國追也按戎之為患
久矣魯小國自保不暇何能為中國追乎此非也穀
梁曰不使戎邇於我也按戎實至魯兵無所加而去
之故不曰侵我也安得曰不使之邇我乎又曰為公
之追大之也按書追所以罪公不能使之不來爾何

大乎

秋有域冬十月

域含沙射人之蟲也有則為災故書有有者不宜有者也穀梁曰一有一亡此說是

十有九年春王正月夏四月秋公子結媵陳人之婦于
鄆遂及齊侯宋公盟

媵者常事春秋不書陳人娶姬姓之女魯使其臣公
子結媵之結行而成宋盟遂詐公命以盟齊侯宋公

於是之時齊威方伯而宋又強國公子結不終媵事而欲交歡伯主終之齊宋皆怒陳亦棄好是年之冬三國皆來伐我西鄙由公子結之遂事召之故先書媵事于邲以見其失陳之因次書遂盟又見其召寇之迹公子結本以媵往而媵事不終及齊宋盟而齊宋皆怒是公子結一出而召三國之師為結者不勝其罪矣所以使之者猶未免乎有罪也公子結於此書之後遂不復見陸淳以謂有遂事之美故特書之

然公子結遂盟而召寇不可謂賢也或以為貶之故
不書卒然春秋之間惡有甚於公子結遂事而書卒
者矣皆不通此蓋以其遂盟召寇特書之爾若於其
卒則其不為大夫自不當書矣盟不言地盟于鄆也
書及公子結為志也公羊曰大夫出疆有可以安國
家利社稷則專之可也按結之遂事而致三國之師
豈得謂安國家利社稷乎穀梁曰辟要盟也按春秋
記事安得虛加其文乎若魯自辟要盟孔子亦當致

實而書之也杜預曰結去其本職與二國盟本非公意又失勝陳之好故冬來伐此說是也

夫人姜氏如莒

婦人無專行之禮故雖父母之國惟父母在得歸寧父母歿雖兄弟不往此許穆夫人所以賦載馳之詩也衛文公露處於曹夫人欲往唁之而義不可賦載馳以寫其憂孔子刪詩三百餘篇得其可訓者三百有五而載馳婦人之詩孔子取之取其父母沒雖兄

弟不往也故父母之國有時而不往況他國乎然則夫人姜氏如莒不待貶絕而罪惡見也

冬齊人宋人陳人伐我西鄙

公子結以遂事而召寇故齊宋陳皆來伐我三國有辭故曰伐也西鄙魯之西境也春秋外師之至魯雖入其郭亦皆曰鄙蓋鄙者言其邊遠也侵伐他國但曰某而已不曰某鄙也魯必曰鄙者蓋我國之君寇之來者不過至于邊鄙而已不能至于國都也我之

治國之道素修禦敵之道素備彼之來寇者乃適吾
之間隙犯吾之邊鄙爾故春秋之法於內言戰而不
言敗言圍而不言入言侵言伐而不言其至於國都
所以親之尊之而備責之也不然安得二百四十二
年之間外師之侵伐我者皆莫能深入乎此蓋聖人
之意也哀八年十一年再言伐我而不言其鄙者春
秋之終而聖人之微旨也穀梁曰其言遠之何也不
使難邇我國也此深於春秋者之說也

二十年春王二月夫人姜氏如莒夏齊大災

大者非常之辭災者莫知其所從來也齊大災者記其非常且火之發不知所從來也春秋詳內而畧外內之災異皆書我史故也外災之書惟周齊陳宋三數大國便近者而已蓋舉近可以明遠記大可以知小也春秋之時皇極之道汨沒不敘而天下災異不可勝記故春秋但取其著者書之爾公羊曰大災者何大瘡也按經書宋災記甲午之日宋衛陳鄭災記

壬午之日豈是大瘡止於一日之間乎非也穀梁曰其志已甚也按宋災不書大豈亦甚而後志乎亦非也

秋七月冬齊人伐戎

春秋之時諸夏衰戎狄入居中國齊威行伯始興師伐之蓋齊威有意於中國也然其用師亦止書人者以其德義未著而專事兵革春秋不遽褒將有待也二十有一年春王正月夏五月辛酉鄭伯突卒

鄭伯突自威十五年入櫟之後遂不見入鄭之迹至莊四年
遇于垂始稱伯十四年會于鄆亦書爵而左氏于十四年傳
載厲公自櫟侵鄭之事言鄭伯于是始入于鄭而四年稱伯
者自是祭仲所立鄭子爾然則鄭伯突之出入及篡忽而立者
春秋皆不書也而史記世家及左傳皆有其事不知何從知之
但當據經為定爾四年遇于垂十四年會于鄆所書之鄭伯前
後皆無異辭而于此始記突之卒則是突自入櫟之後其後遂
入鄭而有其國于是始卒爾遇垂之鄭伯安知其為鄭子乎左

氏採諸國史之文共成其書史記又因左氏皆未可據

秋七月戊戌夫人姜氏薨

夫人姜氏之惡春秋載之備矣而薨葬皆詳書之無貶辭焉春秋魯史其載魯事有臣子之法蓋春秋之義所以訓為臣者之忠為子者之孝故于臣子之法最為詳備所以躬自厚而薄責於人也姜氏雖大惡者然魯之臣子不可不以母禮待之故君雖不君臣不可以不臣父雖不父子不可以不子為君父者不

以臣子之故而得沒其罪為人臣子者不以君父之惡而無禮焉此春秋所以責臣子之備而篤忠孝之深也魯君之卒書薨夫人者君之敵故亦書薨君薨書地所以定其常處而防禍亂之萌也夫人無外事薨有常處不書其地明其薨不可以他處也所以深責之而謹其處爾穀梁曰婦人不目此說是也

二十有二年春王正月肆大眚

肆放也眚過也書曰眚災肆赦易曰有災眚蓋災者

自外而至者由己所為無妄亦曰其匪正有眚言
其不正而後有之則眚者本以過失而有之也經曰
肆大眚猶有大過者皆舍之也夫赦宥之事古先聖
王日月之所行也易解之象曰赦過宥罪蓋解之時
取其一新君子法其象則過誤者赦之罪惡者寬宥
之使之遷善而改過也民之愚冥無知而犯於罪則
君之教不至禮義之治不先爾又深治之以刑則是
驅之至于為惡而又從而殺之故聖人於解之象欲

君子法之使得自新焉亦非謂一時肆眚而大惡無道之人一切釋去也周禮三赦三宥之法亦以其老弱無知者爾皆為治獄之常而不施於一切也至書之言文王作罰刑茲無赦已譏後世之赦但縱失有罪之人而惠姦長惡爾春秋書肆大眚者一亦譏莊公一切放縱姦惡而有意於文姜之葬也而莊公又以其母文姜當得罪於魯而播惡於齊至殺其夫而奔亡不已大惡無道一國之所賊惡而魯人切齒之

深者於其死也莊公欲備禮葬之恐為國人所譏乃
先大赦國中以悅國人之心然後舉其葬焉故正月
肆大青而癸丑葬文姜聖人罪莊公不能防制其初
而又縱其姦惡故書肆大青以見其失焉公羊曰始
忌青也按公羊不以肆青為赦故生此說爾非也穀
梁曰為嫌天子之塋也按當是時天王衰弱何畏而
不敢葬其母乎此亦非也

癸丑葬我小君文姜

文姜之惡不待貶絕而見矣而春秋書卒葬與他夫人無異辭焉所以篤臣子恩義之深而預為後世法也陸淳曰葬生者之事也臣子之禮其可虧乎此說是也

陳人殺其公子禦寇

春秋之法諸侯之國殺大夫其君殺之則稱國其國人殺之則稱人蓋古者諸侯貢士於天子天子以為賢則命之歸國為大夫故其為諸侯之大夫則一國

之賢也為天子之大夫則天下之賢也故為賢者則
不苟進其身矣天子命之則無不肖也故王道之行
則列國之大夫莫不皆賢而諸侯遇之莫不有禮故
其為臣之道諫行言聽則膏澤其民諫不行言不聽
則違而去之以自免於禍其為大夫者不苟於其君
君無禮則去為諸侯不敢不盡禮於其臣一朝無禮
則賢者去賢者去則誰與治其國家故君臣相須而
天下常治也至周之衰諸侯之臣或不命於天子而

當時之大夫或苟祿以活其身不命於天子則未必
皆賢苟祿以全其身則不能使其君過之以禮以不
賢之大夫事無禮之諸侯而君臣失道而至於君殺
臣臣弑君也春秋書弑君三十六以見為君者不近
賢臣而自取於禍殺大夫者三十八以見為臣者不
自重其身苟祿於無禮之諸侯而終見殺也又不可
不較其輕重大小也故有書國書人之例稱名不稱
名之別然其大槩皆貶之也禦寇陳之公子不為大

夫以其國君之嗣公子之貴同之大夫特書之也書
陳人殺之者非陳君殺之陳國之人殺之爾不目其
人賤畧之也禦寇以公子之貴而見殺於國人禦寇
有罪矣陳之君使公子者而見殺焉亦未免乎有罪
也左氏曰殺其太子禦寇按禦寇實陳太子經當書
之春秋舉重不當畧去世子而但書公子也此說非
也

夏五月

春秋一時無事必書首月以具四時而成編年之書也其書首月者五十有九未有非首而書者於此書夏五月蓋此聖人因舊史所載不妄改易以傳信於後世書首月者五十九首月之下皆當記事孔子以其事無可訓刪而去之但存首月而已至於首月之下舊史無事而不書之者則孔子不更書首月而但存五月也春秋書五月者惟此爾亦可知舊史所載者繁多而首月無事者一處而已

秋七月丙申及齊高傒盟于防

春秋之法大夫不得會諸侯諸侯者一國之長而南面之尊也大夫者諸侯之臣在彼猶在此也雖於外諸侯之國不得抗之而會盟所以伸諸侯之尊防僭亂之萌也故魯公而會諸侯之臣者公自屈尊而與之盟則明書公以見其罪沒外大夫而稱之曰人不與大夫之得僭且明魯公求與之盟也隱八年公及莒人盟于浮來所以見公屈尊之罪而非大夫之過

也高傒齊大夫於是時齊威方伯而其國彊大以臣
敵君則高傒罪也公雖有屈尊之罪然見逼於彊大
比之求盟小國之臣罪差殺爾故沒公不書以明國
君之尊大夫不得抗也明書高傒以著盟公之罪焉
公羊曰諱與大夫盟按不書公所以深罪高傒謂之
諱非也穀梁之說是也

冬公如齊納幣

婚禮有六納采問名納吉納幣請期親迎惟親迎則

諸侯自行合二姓之好繼先君之後不可以不重也
其他五禮皆使大夫所以養廉遠恥而預為之嫌也
春秋六禮其書者二納幣親迎其他四禮無失禮者
故不書爾莊公之父威公見弑於齊齊之於魯有不
同天之讐也文姜之薨在去年七月至是年之冬莊
公猶在三年之喪也婚禮惟親迎自行納幣之禮大
夫之事也而公又親焉莊公忘君父之仇而娶讐人
之子又在母三年喪內而行大夫之職書曰公如齊

納幣所以見公無恩於母而不孝於父無廉恥而親
納幣焉一舉事而大惡者三也公穀譏納幣之非禮
不罪其娶讐而喪婚以其罪惡顯著不待貶絕而可
見故也

二十有三年春公至自齊

春秋凡書至者皆告廟也莊公如齊納幣於是始還
而告廟故書爾公羊曰威會不至公一陳佗也按莊
公有惡則經當見之不可於至始見其意也經但言

公至自齊安知其為陳佗乎非也

祭叔來聘

祭叔者天子之大夫也書來書字以別諸侯之臣且尊王命也祭叔之聘自周而來則是天王使之於經不言使者蓋以祭叔自以私事來魯故假王命以來聘聘事雖命於天王而祭叔之私不專為聘春秋原情定罪若書天王使之則不見其私也若書祭叔來又不見其來行聘事非如祭伯之自來也以為專聘

乎則實為己私非如凡伯之受命也聖人罪其挾公
以行私故特没去天王之使以著其罪祭叔有罪而
春秋書之與王臣者等無貶辭焉蓋春秋之法一事
無再貶之道宰渠伯糾下聘威公弑君之人不書其
名則無以見獎惡之罪祭叔聘魯行己私不書天王
使之其罪已著又書其名則若王臣微者如宰咺之
徒焉春秋避其不明故但没天王以見罪也穀梁曰
不正其外交故不與使按若但來交魯不得書聘書

聘則是挾天子之命而來不獨外交也不書使所以見其行私譏外交當去聘不當去使此亦非也

夏公如齊觀社

春秋之法非宜觀而觀之者書之曰觀隱公觀魚于棠魚早者之事君不當觀也莊公如齊觀社國自有社而不觀乃觀社于齊社不當觀也中庸曰明乎郊社之義禘嘗之禮治國其如示諸掌乎故雖天子之尊必有郊諸侯之貴必有社也郊社之禮所以教民

報本而知嚴上之道焉為諸侯者曰天子之尊而猶
郊事天地則吾屬不可以不尊天子也為臣民者曰
諸侯之貴而猶報本於社稷則吾屬不可以不事諸
侯也易曰大觀在上此之謂也古者社禮必行於春
秋之上戊土日也報土之神不可以不求其故上自
天子下至於閭里之間社必以戊也春秋之夏夏時
之二月二月之上戊社祭之日也莊公不修已國之
社而觀齊社焉書公如齊觀社則魯社廢以國君之尊而

有社稷社稷之祭不修而觀社于他邦用見魯公之不有其社稷也穀梁曰以是為尸女也按書觀社則是非所觀而觀之且見魯社之廢尸女之說不與經合

公至自齊

觀社于齊反而告廟故書至也穀梁曰公如往時正也致月故也如往月致月有懼焉爾按春秋不以日月為例且如莊公觀社于齊而不書月得曰正乎致不書月得曰無故乎不通也

荆人來聘

荆者楚未改號之稱也曰人其臣也不言其名微之也南蠻之國至于彊盛而來聘諸侯中國不早備之將乘中國之衰而侵陵無忌矣畧之曰荆人猶言其微尚可禦也至文九年使椒來聘其國已盛而交通諸夏諸夏與之等矣春秋不復外之用見夷狄之盛中國不能外之也公羊曰何以稱人始能聘也啖子非之曰若言荆來聘則似舉州皆來此說是也穀梁

曰善累而後進之按春秋大法尊君卑臣內中國外夷狄安得進夷狄之事乎聖人方深責中國不得不漸見夷狄之彊謂之進非也

公及齊侯遇于穀

簡禮而會曰遇莊公方納幣于齊而遇齊侯于穀用見公不恤國事而惟婚姻之務也

蕭叔朝公

公及齊侯遇于穀蕭叔朝公于穀不書來朝不至於

魯也蕭叔者附庸之君未命者也朝者以臣事君之禮春秋之時以大欺小以強陵弱而小國之君朝事大國類書為朝以見強者不當受諸侯之朝而小弱者不當朝於同列也至於大夫則不言來朝大夫無私出境之道出境則受君命矣故大夫之來皆書其所以來之事而不言朝也至諸侯則一國之尊而號令自出係社稷人民之重無出境見諸侯之禮故諸侯之如諸侯則是以小事大以弱畏強而行朝事之

禮也春秋之法凡朝皆有罪至於附庸之君雖其小弱然亦南面而為君者故其如諸侯也亦書曰朝比之一時諸侯焉蕭者宋附庸之國於是公遇齊侯于穀而蕭叔朝焉附庸之君春秋之法書名說春秋者或以蕭叔為字或以為名杜預謂之名蓋謂鄉黎來來朝書名而蕭叔附庸之君不得獨書字也啖子以為字蓋謂言叔則非名也又推而書之曰始封附庸之君書字若從杜預以為名乎則叔者字也不可以為

名若從啖子以為字乎則附庸之君例書名鄭黎來
不得曰字也謂之始封則舊封者何以見賤而始封
何貴而書字乎皆不通也按左氏有蕭叔大心公穀
有蕭同叔言蕭者必以叔配之不知何故也此可疑
之事且當闕之

秋丹桓宮楹

春秋之法祖廟曰太室太室屋壞大事于太廟是也
公曰宮威宮新宮之類是也莊公娶仇人之女以承

事先君又丹其楹以夸侈之不待貶絕而罪惡見矣
穀梁譏丹楹之非禮不知丹楹之得禮猶有罪夫娶
仇人女以事先君又盛飾先君之宮以夸侈之丹之
得禮得無罪乎威之於莊父也不曰新宮而謂之威
宮公薨至是二十餘年亦已久矣成公哀公皆三年
之喪新畢而其宮見災傷痛之深時曰新宮也威宮
之成已久但記其丹之失禮足見其罪不得更曰新
也

冬十有二月甲寅公會齊侯盟于扈

與齊盟者蓋莊公娶于齊齊遂欲率魯以從已故會公而盟于扈公羊曰此日者危之我貳也按春秋不以日月為何我貳之說有何義乎

二十有四年春王三月刻桓宮桷

去年之秋既丹其楹於此又刻其桷不待貶絕而罪惡見矣穀梁曰斥言威宮以惡莊也按春秋但以其宮成之久而不謂之新宮爾若丹楹刻桷在三年四

年之間亦不得曰威宮也如昭十五年有事於武宮
豈可斥言武宮而罪昭公乎非也

夏公如齊逆女

春秋不書常事非常則書之親迎乃常事然莊公親
迎而春秋書之者以其父見弑于齊而子婚仇女是
無恩於父而盡禮於仇讐特書之以見其罪也公羊曰
親迎禮也按親迎合禮則春秋何用書之此非也

秋公至自齊

莊公親迎於齊當與夫人偕至夫人未至而莊公先還告至於廟春秋志其告廟之實且罪其先夫人而至也穀梁曰先至非正此說是也

八月丁丑夫人姜氏入

春秋之法君夫人至而告廟則書至人子之禮出告反面故人君之出而反也告廟則書之曰至夫人之來魯必見于宗廟然後敢入居于公之宮亦告廟焉則書也莊公父見弑于齊而娶仇人之女以事其父之廟義不可致禮不可合也夫人之

至嘗告廟矣然聖人不與莊公以仇人之女而見其
父也特變文而書之曰夫人姜氏入以明仇讐之國
無時而可與通況娶其女以事先君之廟乎故雖備
禮而入見於廟先君必不享宗廟必不容也義不可
以至于先君之廟故特沒至不書而變文曰入也公
羊曰與公有所約然後入按經不書至但謂其不可
至於廟爾公羊之說不近人情穀梁曰義不可受是
也

戊寅大夫宗婦覲用幣

春秋之法不與婦人而專行夫人之至必書其以僞如公子遂是也歸賵歸祔必著其夫與其子之號惠公仲子僖公成風是也事繫二人者必為辭以別之齊人執鄭詹齊人執子叔姬是也蓋婦人無專行之道必有所繫而後行所以深防禍亂而遠為之嫌也大夫宗婦則大夫之家是宗婦爾蓋以宗婦係之大夫不與之專行也大夫之宗婦衆多非一不得書大

夫之名曰某宗婦也故左氏但曰宗婦覲用幣而不
言大夫是也於是之時莊公娶仇人之女而姜氏已
入其國莊公欲侈大之故令大夫之宗婦覲夫人者
用幣為贄幣者子男之贄非婦人之事婦人之執榛
栗棗脩而已聖人罪莊公娶仇人女而又侈之至于
失禮也故特書曰大夫宗婦覲用幣所以見幣非婦
之贄用者不宜用也宗婦之義杜預以為同姓大夫
之婦按若同姓大夫之婦則其婦非同姓也安得曰

宗婦乎何休曰大夫為宗子者之妻也安得一時之
大夫皆為宗子此非也此蓋大夫之家宗婦爾為大
夫者或非宗子而覲夫人者必皆宗婦也公羊曰宗
婦者大夫之妻按一時之大夫必不皆其宗子而其
妻不得皆為宗婦公羊不達古者重宗之義但見書
大夫宗婦便以為大夫之妻若實大夫之妻當書曰
大夫之婦不得曰宗婦也穀梁曰不正其行婦道故
列數之也經不書及者以大夫之宗婦爾安得便謂

大夫與其妻同贄皆見乎不應悖亂禮文如此之甚也

冬戎侵曹

春秋之時戎狄入居中國無名而侵曹經書之所以見夷狄之橫而中國之衰也

曹羈出奔陳

曹伯射姑卒於去年之冬至是戎來侵曹曹之嗣君羈不安其國而出奔於陳也羈為曹之嗣君不書伯

爵射姑之喪至是未葬不可稱爵春秋之法居喪稱
子羈居父喪未逾年法當稱子不曰曹子羈出奔陳
者春秋深罪之也羈為曹之嗣君已嘗在位也不能承先君之
託以嗣先君之位而奔之于陳盖不子也春秋之法為太子而
不能盡為子之道者不書子以貶之鄭忽見逐于彊臣見篡於
孽弟於其出也但書鄭忽奔衛曹羈見逐于戎而見惡於赤子
其出書曰曹羈出奔陳曹羈鄭忽皆嗣位未久而出奔者春
秋貶之意同而文亦相類也公羊曰曹大夫也又曰

三諫不從而去之得君臣之義按經書羈之出奔而
赤之歸曹其事甚著又杜預推尋左氏而為諸國作
譜亦以為曹之世子也此蓋公羊因晉重耳過曹曹
無禮曹之大夫僖負羈諫之不聽而文公其後執曹
伯囚之而令其衆無入僖負羈之家遂以羈為曹大
夫不知僖負羈之事去此僅四十餘年決非一人也
公羊之說誤矣

赤歸于曹

赤者曹僖公也戎既侵曹逐羈出奔迎赤歸而立之
也不曰曹赤者承上文羈之出奔而赤歸則其為曹
赤明矣赤外有戎人之助內無曹羈之難曹方無君
赤安而歸也故書曰赤歸于曹公穀皆曰赤郭公也
按郭公自是下文非闕赤也若赤實郭公經當曰郭
公赤歸于曹不得書郭公于下也公穀之說皆非

郭公

郭公之文三傳皆無義說公穀為曹赤理又不通按

管子載郭亡之事以謂齊威過郭問郭父老郭何以
亡父老曰善善而惡惡也威公又曰善善而惡惡何
至於亡父老曰善善而不能用惡惡而不能去郭之
所以亡也由此觀之則春秋莊二十四年齊威已伯
而管夷吾用事但見過郭父老而問之不知在何時
爾然則郭之事迹亦嘗見於傳記也春秋書梁亡言
梁之自亡也管子載郭亡之迹蓋亦曰郭自亡爾公
與亡字相近疑經書郭公為郭亡也然疑誤之事聖

人闕之善善惡惡之說足以訓後世且當存之亦未可決言經誤也

二十有五年春陳侯使女叔來聘

諸侯大夫天子賜之邑使之歸國則書氏書字鄭祭仲魯單伯陳女叔是也所以別諸侯之臣尊天子之命也左氏曰嘉之故不名按春秋之時諸侯大夫來聘者衆何獨嘉女叔乎穀梁曰天子之命大夫此說是也

夏五月癸丑衛侯朔卒

按書卒義同曹伯射姑衛侯朔不書葬者魯不往會
爾范甯推尋穀梁傳例以為失德不葬非也

六月辛未朔日有食之鼓用牲于社

書曰書朔者日食正朔也春秋書日食三十六其書

鼓用牲于社惟三而已蓋皆失禮也案古者日食則

鼓尚書曰乃季秋月朔辰弗集于房瞽奏鼓嗇夫馳

庶人走周官鼓人曰救日月則詔王鼓日食必鼓者

以為日者陽之精日食則是陰盛而勝陽社土神陰之主也伐鼓于社所以助陽而攻陰也夏書周禮皆無用牲之禮蓋伐鼓者求以勝陰用牲則是祈請之也將勝之而又祈之非禮也左氏曰惟正月之朔慙未作日有食之於是用幣于社伐鼓于朝如左氏之說則是正陽之月始忌之也凡日食之災皆為陰盛而勝陽人君當警戒恐懼以消復之何獨正陽之月乎公羊曰以朱絲營社經傳皆無此禮非也穀梁曰

鼓禮也用牲非禮也此說是

伯姬歸于杞

伯姬之歸不書逆者杞子自来逆之得禮不書也春秋之法內女歸為諸侯夫人者則書伯姬歸于杞義同隱二年伯姬歸于紀穀梁曰逆之道微無足道焉爾按杞子自来合禮故不書非微者也

秋大水鼓用牲于社于門

日食必鼓者為陰侵陽其為驗甚遠而為災未見大水則災及於物其驗已明其災已著其災未見則聖人為伐鼓之法以救陽且以警于人居也驗已著者則無或於鼓也故左氏曰非日月之眚不鼓大水而鼓用牲于社于門皆非禮也公羊曰于社禮也穀梁曰救水以鼓衆皆非也

冬公子友如陳

春秋內臣適外諸侯行聘事者但書如以其聘問之

禮諸侯常事畧而不書也記其所往之事者皆非常也大夫之聘必書之於春秋者所以見其往來之國皆於其黨而其行多非禮也有以私事行者有以彊大行者皆非周制聘問之常故謹而錄之也

二十有六年春公伐戎夏公至自伐戎

戎狄至無知而好爭戰者也莊公不內修其國家而聲戎之罪舉師伐之是較輕重於無知也於其還也告至於廟春秋一書之以見其罪焉三傳無解以其

事至著也

曾殺其大夫

禮曰刑不上大夫蓋大夫者一國之選而人居之所尊任者也選之得人而任之當其才故君臣相與而國家以治不幸其選之非人而任之不見其功則放之而已蓋大夫有罪而放之為之君者已有罪矣況刑之乎故曰刑不上大夫也春秋之盛莫如齊威齊威之盟莫如葵丘之盟葵丘之盟曰無專殺大夫蓋

春秋之時諸侯之大夫多不命於天子至其有罪又
專殺之故齊威盟以五事而專殺其一也夫以齊威
伯者猶以專殺大夫為非則王道之行而天下治也
固無殺大夫之禮焉春秋殺大夫三十有八有書國
殺之者有書人殺之者未嘗有書爵者也蓋聖人之
意猶曰大夫者人君之所尊任而與之治國家之人
也同體之相須同業以相濟求取之不精任用之不
當則已有罪矣何至於殺之乎古之大夫或命於天

子命於天子則不可專放春秋之大夫或命於其君
命於其君則不可專殺故春秋可書國人殺之不可
以君殺之也雖其君殺之者而不言蓋有之不許之
也曹殺其大夫則是曹君殺之不言其爵不許其專
殺大夫也春秋殺大夫三十有八而不名者三非賢
之吏失之也舊史失其名孔子安得而妄加之也為
人臣而見殺焉則所以事之之道未備事之之道未
備而君無禮焉則去之可也何至於見殺乎春秋死

難之臣如仇牧苟息者孔子未嘗褒之也况無事而見殺者哉公羊曰不名衆也按春秋殺三大夫者猶悉名之安得衆而不名乎又曰為曹羈諱也按公羊以曹羈為大夫故生此義非也穀梁曰無命大夫也案宋殺大夫亦有不名者豈宋大國亦無大夫乎又曰大夫賢也按無事君之道而見殺矣安得賢乎皆不通也

秋公會宋人齊人伐徐

會者外為志也宋人齊人者宋公齊侯也不曰宋公齊侯蓋齊威行伯不務德以綏天下而專欲力勝諸侯春秋擇其用兵之盛者貶之也故曰齊人也宋人亦稱人而序齊上者以其主兵方貶齊侯為人不可不人宋公也三傳無解著明故也

二十有七年春公會杞伯姬于洮

伯姬前年歸杞於會公于洮三傳皆無淫惡之迹而春秋書之與夫人姜氏會齊侯于禚文同而無異者

蓋婦人無專行之道傳母不至不下堂而伯姬無事而會公于洮安知其不為惡也傳無其事而經書之文同者犯禮之迹無異也左氏罪公行之非事而不譏伯姬亦但其一偏爾陸氏曰公及杞侯伯姬俱失正矣其說是也

夏六月公會齊侯宋公陳侯鄭伯同盟于幽

是時齊威已伯諸侯已從同盟于幽盟書之辭同也穀梁曰衣裳之會十有一兵車之會四趙子曰征伐

則兵革修好則衣裳大例皆然何獨威公此說是也
秋公子友如陳葬原仲

大夫無私出境之禮公子友與陳之大夫原仲有舊
如陳而葬之春秋罪其私行故書曰如陳葬原仲也
原謚也仲字也以字稱之者春秋之例內外大夫既
沒之後不稱其名但書謚書字而已僖十五年震夷
伯之廟亦是也公羊曰季子避內難春秋通其私行
也穀梁曰諱出奔也按春秋未有無事而虛加其文

者若公子友出奔經當據實而書之何為諱乎公子友為大夫不能止難而去已有罪矣春秋何得為之諱乎居其位食其祿不能使之無難至有而又去之春秋乃變文以諱其奔則何以勸人死難乎公穀之說皆非也左氏曰非禮也原仲季友之舊此說是

冬杞伯姬來

春秋之例歸寧曰來大歸曰來歸惟父母在得歸寧父母沒雖兄弟不往也春秋內女適諸侯者多矣於

其歸寧未嘗曰子某姬來歸寧常事無書也伯姬非
莊公子義不當歸春秋以其歸之非禮故書曰杞伯
姬來也左氏曰歸寧曰來按春秋內女之來惟二爾
是年伯姬及僖二十八年復來爾趙子曰豈有二百
四十二年內女惟兩度歸寧乎公羊曰直來此皆不
知常事不書之義故為此說

莒慶來逆叔姬

禮大夫不得越境逆女所以絕外交而使一心於其

國也莒慶來逆叔姬則是外交矣莊公以諸侯之尊而屈禮主大夫婚則是失禮也莒子為君不能制其臣而使之外交諸侯則是不君矣蓋莒慶莊公莒子皆有罪也春秋之法親迎者但曰逆女而此曰叔姬者蓋不與莒慶之得逆女子我也不書叔姬之歸叔姬為大夫妻賤畧之也公羊曰大夫越境逆女非此說是也

杞伯來朝

杞自入春秋常稱侯至是降而稱伯僖二十三年書
杞子卒左氏曰杞夷也二十七年書杞子來朝又曰
用夷禮也文十二年書杞伯來朝又曰舍夷禮也杜
預范甯於是見杞稱伯即云為時王所黜按杞二王
之後其爵最尊又在中國不鄰於夷狄安得如左氏
之說用夷禮復舍之乎又春秋時王室衰弱安能號
令諸侯升降其爵秩乎左氏范杜之說皆不通陸淳
之徒以為當世主盟列國會諸侯以國大小為次故

國小而爵尊者降爵爵卑而國大者進之或升或降
從一時之便故杞之爵或侯或伯或子也於是來朝
稱伯者蓋齊威興伯降爵從伯此說是也

二十有八年春王三月甲寅齊人伐衛衛人及齊人戰衛
人敗績

齊人者齊侯也以其方伯於天下而專恃兵勝故貶
之曰人衛小於齊而齊方強盛齊伐之不服而求與
之戰衛人實欲與戰故曰衛人及齊人戰也不書所

戰之地戰於衛之國都也春秋之義師敗稱師衛敗不言師敗衛也齊威方興伯業以信懷諸侯以兵勝天下衛之弱小而不服至於見伐已有罪矣德政不修而倔强不從於伯主為之侵伐則已又驅其人而求與之戰以至弱之衛當甚強之齊必不可勝矣以不教之卒當屢試之師必不可勝矣以衛之無道當齊威之方強又必不可勝矣衛不量其國之至弱師之不教已之無道以與齊威戰焉春秋之義敗稱師

所以深痛吾民衛侯安忍其民驅而與齊戰不以其民為民也春秋二百四十二年之久爭事多矣未有敗而不言師者不量其力之如何不度其德之優劣戰而至於敗未有甚於衛者也聖人本其無愛民之心而貶之曰衛人敗績左氏曰數之以王命取賂而還按左氏終始載衛立子頹及衛人伐周之事考於經無有也於是又曰數之以王命經無其事者皆未可據也公羊曰衛不稱師未得乎師也按春秋惟此

一處敗績稱人未得乎師者何其少也穀梁曰微之
不以師敗於人也穀梁之意蓋敗威公爾若春秋實
貶威公衛何稱人乎皆不通也

秋荆伐鄭

荆者楚未改號之稱也春秋外之故但曰荆而不曰
荆人荆師也穀梁曰州舉之也穀梁不知楚未改號
故妄生此說也

公會齊人宋人救鄭

是時荆為夷狄之強遠至中國而伐諸侯齊侯以伯者之義率諸侯而救鄭焉齊威攘夷狄尊中國可謂義矣然春秋猶書曰人未有以爵許之也春秋之義責賢者備齊威在可責之域故春秋責之備也

冬築郿

春秋書築者七其六皆臺園也邑者惟一處爾不謂之域而謂之築左氏例曰邑曰築都曰域春秋內域邑者二十有四豈皆有先君之廟乎此非也穀梁曰

虞之非正也按虞之當曰圉經不曰安知其虞乎惟公
羊謂之造邑陸氏從而廣之曰言城者城舊邑也言築
者築新邑也蓋臺圉無舊新為之者必皆曰築然則築
郛者新城郛而為邑也不曰新無舊也不曰城無所因
也春秋之法興作皆書所以重民力謹天時也先書築
郛而下書大無麥禾則公之興作不量力可知矣
大無麥禾

莊七年書秋大水無麥苗麥苗之無大水災之也不

曰大者水所不傷或有之也此書大無麥禾非常無之也無水旱災之蟲螟傷之而大無者歲凶不收也舉魯之國無收者也故曰大無也穀梁曰大者有顧之辭按七年書無麥苗亦二災也何為不言大乎此說非也減孫辰告糴于齊

古之為國必有數歲之備雖甚豐年民食之者不過四輔也君取之者不過什一也民之食有節君之取有度則為國三年而餘一年之蓄為國九年餘三年

之蓄也為國二十七年而餘九年之蓄也湯之旱至
於七年堯之水至於九年而天下無飢者九年之蓄
素具也天時之不可期而水旱之無常又無蓄以備
之則是使民恃天而生也安得為民父母哉莊公在
位二十八年雖九年之蓄可具也而莊公於其無事
奪民之力使不得盡力於耕耨以其餘蓄藏以待有
事又驅之戰鬪而殺傷之一年不登告糴于外春秋
罪莊公在位之久蓄積無素也書曰臧孫辰告糴于

齊以著其困窮而告乞於外恥之也公羊之說是穀
梁最深切者歟

二十有九年春新延廐

春秋凡興作皆書不以其時之得失功之當否也勞
民之力費民之財皆聖人所重故也有國家者不可
忘戰馬戰之具故國必養馬馬左氏曰凡馬日中而
出日中而入馬出入之時也廐者馬之所在不可以
不修然莊公不務治其國家一無麥禾告糴他國於

甚歎之歲又興作以勞民蓋莊公之新延廡於春秋
興作之罪又甚焉不曰新作而但謂之新者制度規
模無所增益但因其舊而新之爾左氏曰不時也按
去年之歎如此今年新廡雖時得無罪乎公羊曰凶
年不修穀梁以其用民力為已悉矣此二說皆是
夏鄭人侵許

按鄭稱人者將卑師少也言侵者不聲其罪而行也
左氏於此發例曰有鐘鼓曰伐無曰侵按侵伐之例

金定四庫全書
卷四
但言罪與不言罪爾不係於鐘鼓之有無也陸淳非之當矣

秋有蜚

蜚者惡臭之蟲南方所生魯不當有者也經曰有蜚非所宜有而有之為異故書也公羊曰記異是也左氏曰為災也按蜚豈為災之物又曰凡物不為災不書按春秋災異悉書不必皆為災也鸛鵒豈能為災乎春秋何以記其來巢也皆不通也

冬十有二月紀叔姬卒

內女歸為諸侯夫人無他惡行即書卒猶不書葬其
賢行之著者則書卒書葬以旌之異於他女也紀叔
姬為紀侯之媵法不當書而春秋書歸于紀歸于鄆
而卒葬皆詳書之者特賢之也紀其滅于齊而紀侯
去國叔姬不以紀之存亡大小易其心也惟宗廟之
是依紀季以鄆入齊而紀之宗祀不絕則叔姬又歸
于鄆以供承祀事焉夫以春秋之時天下無道而婦

德狼藉也而叔姬之行如此聖人安得不進之乎蓋
進一叔姬而當時之淫亂無德者皆誅焉此春秋所
以志紀姬之詳也穀梁曰不曰卒而曰葬閔紀之亡
也按若叔姬無賢行可紀則春秋何用紀其卒乎閔
紀之亡非孔子作春秋維萬世之意也

城諸及防

諸防皆我邑也城者因舊邑城之也春秋之義凡城
皆譏為人父母不務以德教治民而徒驅民城邑以

固其城池城池治世不能去然其在春秋時則有罪
矣城諸及防所以別二邑也若曰城諸防則恐其為
一邑爾亦有施功之先後先諸而後防不得曰城防
及諸也穀梁曰以大及小非也左氏曰書時也按春
秋興作不以時不時皆書之所以重民力而愛民財
若但以時為義則得時者何用書乎如莊之三十一
年一歲而築臺者三使皆得時而春秋書之可無罪
乎此非也

三十年春王正月夏師次于成

春秋之義凡次皆譏兵者量力而動動而必中者也
莊公之於紀世為婚姻之國紀亡而附庸於齊鄭紀
之附庸未能下齊而自處於僻陋齊威志欲滅之莊
公以紀之故將往救鄭又畏齊而不敢也書曰師次
于成所以見莊公不量其力妄動而勞民師已成矣
又畏懼而不進徒次于成馬罪之也穀梁曰不言公
恥不能救鄭也按實將卑師衆故稱師爾謂之恥而

不言則莊四年公次于郎何以不恥也穀梁之說非
秋七月齊人降鄆

春秋書降者二降者降服之名也八年鄆降于齊師
不曰齊師降鄆而曰鄆降者是時齊魯之師相會圍
鄆鄆不降魯而自降齊爾今言齊人降鄆非鄆欲降
也齊強降之爾鄆入于齊不曰滅鄆者鄆附庸之國
降齊而為附庸國無所滅也不曰取鄆者齊之師無
所加脅之以聲威而鄆已降矣不曰遷鄆者鄆不去

其土地就其國服為附庸齊無所遷也不曰齊侯而
曰齊人者聖人疾齊威將伯天下不務德教而專師
兵革貶之曰人也春秋書降者二郕以自降為文而
鄭言強降者非郕鄭之降有宜有不宜非齊之於郕
鄭有輕有重也郕之降不入魯不得不曰郕降也春
秋之輕重與奪惟其事之所在公羊曰不言取之為
威公諱也按齊實不取鄭而鄭猶如故也安得曰取
乎春秋方書齊侯為人以罪威公安得為之諱乎

八月癸亥葬紀叔姬

內女之葬法不當書而叔姬得書葬於春秋者聖人
賢之也婦人不與外事雖其賢無事可褒獨於終始
之詳以一見焉紀伯姬之葬無他賢行可書以齊侯
葬之有罪故特書之以見齊侯之惡其他內女無事
著其卒葬者惟紀叔姬宋共姬爾紀叔姬之歸于鄆
不忘紀先君之祭祀宋共姬之傳母不至卒死於火
聖人特賢二夫人之行故終始書之無遺焉公羊曰

隱之穀梁曰閔紀之亡也是皆不知孔子賢二夫人
之事故妄為之傳爾魯自隱閔之何與於孔子修春
秋之意乎皆非也

九月庚午朔日有食之鼓用牲于社

書日書月食正朔也日食而鼓禮也用牲非禮也春
秋書鼓用牲於社所以譏用牲之非禮爾然而鼓用
牲者不言鼓無以見用牲之非但曰用牲則若當時
未嘗鼓也所以至於用牲者由古有日食鼓社之禮

相緣而誤至於用牲也必言鼓者以見失禮之因爾
春秋書日食三十六而鼓用牲於社者三不用牲而
鼓於社者蓋常事無所書爾惟其用牲非常是以記
之

冬公及齊侯遇于魯濟

簡禮而會曰遇是時齊方盛強而伯業已著齊將有
事而遇公于濟也曰魯濟者杜預曰濟在齊者曰齊
濟在魯曰魯濟若但曰濟則無以分齊魯之界也

齊人伐山戎

王道衰伯者競起一正天下以扶持王室蓋五伯之道劣於三王而有功於一時也五伯之盛莫過於齊威而齊威之功莫過於北伐山戎南伐強楚而左氏記載孔子之言曰齊侯不務德而勤遠畧故北伐山戎南伐強楚而史記世家亦曰北伐山戎為燕開路又有齊侯割地之說公穀亦曰齊人者齊侯也然則伐山戎者齊侯無疑也孔子論管仲之功而知免於

左衽蓋齊威五伯之盛而北伐山戎又其功之著者
然而春秋曰齊人伐山戎不曰齊侯也齊威用師在
春秋貶之亦已至矣於其伐山戎可以少進之矣而
孔子未也齊威之仁義非有之者假之者也假仁義
者久而不變然後如其有之也未久則變未可知也
於其未可知之際遂以真有之辭許之然則仁義之
道可一日而成也孟子曰亦在夫熟之而已矣蓋春
秋之意也齊侯之伐山戎孔子若將許之然而未

許之者齊威之功未大而荆楚方強也書曰齊人伐
山戎所以深貶齊侯用兵之盛而勉之以伐楚也公
羊曰操之為已感矣按春秋甚外夷狄恐其不踈甚
內中國恐其不親操之已感非春秋絀夷狄之意也
穀梁曰愛齊侯乎山戎齊威之功孔子之門人薄之
何愛之也又愛者私情非春秋公法公穀之說皆非
三十有一年春築臺于郎

易需之象曰雲上天需君子以飲食宴樂隨之象

曰澤中有雷隨君子以向晦入宴息蓋君子之道有所屈則有所伸有所張則有所弛需之時君臣相須而天下治也則飲食宴樂以盡聖人之歡心隨之時威德已著而天下隨也則優游宴息以樂乎無事聖賢所以養其神臺池苑囿宮室服御聖賢所以養其身文王之囿方七十里而靈臺靈沼麋鹿魚鼈其養身之道雖文王不廢也然庸君暗主知養其身而不養其民此春秋所以深罪之也春秋之義興作皆書

雖城池之固門庑之急無遺焉竭民有限之力以養
無道之君聖人不與也况非民人之所急國家之所
務築臺築園以為耳目之娛哉此其罪不待貶絕而
自見公羊曰臨民之所激浣也如莊公之治魯築臺
不臨於民得為無罪乎此特譏其淺近爾

夏四月薛伯卒築臺于薛

春築臺于郎夏築于薛民不勝其勞也莊公務一身
之娛而勞民如此不待貶絕而罪惡見矣薛伯之卒

經無其名舊史失之孔子不妄加也

六月齊侯來獻戎捷

去年齊侯北伐山戎於是還而過魯遂以所捷獻焉
春秋齊侯用兵皆貶稱人於此獻捷顯言齊侯者蓋
齊大魯小齊於魯無所畏憚若言齊人則是徵者無
疑也特書其爵以見齊威之罪齊威伯者不務德以
綏諸侯而專恃兵革遠以伐戎已有過矣又因過魯
以其伐戎之所得誇示諸侯以自矜大因使之威服

馬春秋誅齊威矜功威魯之罪故特書之曰齊侯來
獻戎捷也孟之反不伐奔而殿將入門策其馬曰非
敢後也馬不進也孟之反全軍而歸魯賴以免敗績
之辱於其還而至魯之門也辭以馬不進焉孔子取
之取其不伐爾顏子之行事不見於傳記而孔子稱
其庶幾蓋其言曰願無伐善無施勞然則孟之反辭
馬不進得聖人之一偏顏子願無伐善得聖人之具
體齊威矜功則亦去聖人遠矣故孟之反顏子見稱于聖

人而齊威得罪於春秋也然則矜能而伐善者皆孔子之罪人歟左氏曰非禮公羊曰威我二說皆是穀梁曰內諸侯也按齊侯矜功而自伐春秋方深罪之安得內而進之哉又曰內與同不言使也按實齊侯自來不得曰使也安得曰內與同哉

秋築臺于秦

莊公一歲之內築臺者三其視民如何也乘君上之勢軋疲羸之民築臺者三以為耳目之觀一身之娛春

秋書之不特見莊公之罪深有意於後世也穀梁曰
虞山林川澤之利築臺非以虞利此傳誤矣

冬不雨

春秋之法盡無之者曰無無水是也有之而不為益
者書不雨是也易之象陰陽和者曰雨睽之上九曰
往遇雨則吉孔子解之曰遇雨之吉羣疑亡也其不
和者則曰不雨小過之六五曰密雲不雨孔子解之
曰密雲不雨已上也然則凡雨者皆陰陽和也不雨

者皆陰陽不和也春秋不雨者七記陰陽不和之異也人與物之在天地間者皆仰陰陽以生也陰陽不和則所以仰之者無乃不遂歟故春秋之法一時不雨則書不以其為災也異之大者不可不記故也然而不曰無雨而曰不雨者雖有之不足以為雨猶不雨爾不得曰無雨也公羊曰記異此說是也

三十有二年春域小穀

小穀之地公穀皆無解惟左氏曰為管仲也杜預推

尋其地以為濟北穀域縣域中有管仲井附會左氏
魯為管仲私邑之說陸淳之徒又從而廣之曰管仲
德及諸侯魯為之城私邑雖非常禮亦變之正也然
春秋之作所以傳後世若魯為齊域當曰城齊小穀
經不言齊安知小穀之為齊乎春秋書內城者但
曰城某而已其書外域又不書國何以分別乎三傳
稱外域者惟小穀楚丘爾楚丘之地雖復不明而雜
見於書若小穀者惟左氏謂之管仲邑而二傳又無

其事范甯注穀梁亦曰魯邑也杜預雖以管仲井為據然其地自是穀城非小穀也聖人之經不待傳而後見不應不明如此但地名疑誤亦未可決為魯邑且當存之

夏宋公齊侯遇于梁丘

宋公序齊侯上者宋為之志也穀梁曰大齊威也按春秋書之無異文焉何以知其大乎

秋七月癸巳公子牙卒

左氏公羊載公子牙事皆以為見殺於季反然春秋書其卒無異辭也季反過惡於未萌乃春秋之所重春秋不以骨肉相殘責之當變文以見異不得但書卒也春秋但記其卒安知其殺之乎若曰鴆而殺之與刃而殺之者異則許世子之不嘗藥遂得弑君之罪季反鴆公子牙而殺之與刃殺之無異也春秋之法所不可言則沒而不言君弑不地君夫人奔變為孫皆是也若春秋賢季反之殺公子牙則亦當為

辭以異之不應與正卒者同例也二傳但見公子牙
魯之大惡者而卒於莊公之前又季友方用事於魯
疑其為季友殺之爾且當據經為正二傳說未足憑
八月癸亥公薨於路寢

曾子有疾召門弟子曰啟予足啟予手詩曰戰戰兢兢
如臨深淵如履薄冰而今而後吾知免夫小子樂
正子春下堂而傷其足三月猶有憂色蓋曰父母全
而生之子全而歸之夫以曾子之賢戒懼乎終身死

而後知其免樂正子春一傷其足而憂者三月然則
二子之所重其七尺軀爾猶且恐懼如此況國君之尊
有宗社之重人民之託哉名位之尊則竊伺之者衆危
病之際則覬覦之者衆故人居之薨必於路寢路寢者
聽政之居而大臣之所在一朝而薨則國家之事社稷
之守不至為姦人女子之僥倖也春秋之法薨必書地
所以謹之也穀梁寢疾居正寢正也此說是

冬十月己未子般卒

春秋之法君薨未逾年君稱子承祖之澤繼父之業不
忍有變也自稱曰子人子之心不忍其父之亡於未
逾年猶曰父在云爾稱名君之殯猶在尸柩之前則
君父之前也臣子不可不名此春秋之法忠孝之道
也子般繼莊公而立者立未逾年而未葬也乃遽見
殺於公子慶父故稱子稱名而不地春秋未逾年之
君書卒者三子般亦以弑不地而子野正卒亦不地
趙子疑經闕之恐爾也穀梁曰子卒日正也不日不

正也有所見則日案春秋日月例不通穀梁以卒日
為正有所見則日自相反也

公子慶父如齊

慶父弑子般者弑君之罪不見於經聖人非不欲誅
之也我君之弑所不可言若著慶父之罪則我君之
惡顯矣若慶父者孔子深欲誅之為君父之醜隱忍
焉爾已弑其君矣國內無討之者又安然如齊焉不
曰出奔內無所逐晏然而如齊也齊為伯主當討除

弑逆以明天下之義齊容而納之齊有罪矣慶父不待誅絕而魯之臣子齊之威公皆未免有罪也穀梁曰諱莫如深深則隱按慶父如齊非魯人逐之故不言奔爾若春秋為之諱奔則閔二年出奔莒何以不諱乎此非也

狄伐邢

春秋之時周室既衰狄人始薦居而侵伐諸侯書之所以見中國之無人而外裔之盛強也為中國者有

罪爾狄人又何責之哉

春秋經解卷四

欽定四庫全書

春秋經解卷五

宋 孫覺 撰

閔公

元年春王正月

閔公繼子般之弒而立不行即位之禮春秋因不書之以見繼弒之法也左氏曰不書即位亂故也按人君即位國家之大事也雖在危亂不過禮有不具爾

不應因亂遂廢其禮也公穀之說皆是

齊人救邢

去年之冬狄伐邢於是威公救之夫以中國諸侯見
伐於夷狄威公仗大義救之得伯者之正此宜在可
褒之域矣然而春秋未始許之猶貶之曰齊人蓋齊
威未至於道而救邢未足以為功也齊威不能明王
道以兼夷狄使之不來而區區救其侵伐則干戈之
後奔命不暇未及救其亂也蓋齊威為春秋之極威

救邢又齊威之大功聖人必於其盛者貶之為其可
責而責之也穀梁曰善救邢也按救邢雖善而威公
稱人蓋其甚微之爾

夏六月辛酉葬我君莊公秋八月公及齊侯盟于落姑
閔公是時年始八歲又值大亂之後可謂君少而國
家多難矣落姑之盟齊侯屈伯主之尊而盟危國之
幼主蓋於魯有存亡繼絕之功矣

季子來歸

左氏記季友之事以為莊公三十二年公子牙卒季友鳩之也於此來歸又曰齊侯使召諸陳然則季子自二十七年如陳葬原仲其後遂不反魯於此始召之矣以為於此召之則殺公子牙者誰乎自相乖戾也蓋公子友葬原仲後嘗還魯春秋常事無所書故不記爾慶父之亂嘗出奔然春秋不書此聖人之意也季友賢者有可以安社稷利國家之道而莊公不親信之使慶父之徒用事於內且為亂矣季友欲治

之則不與於政坐視之不免於死於是違難而去也
然春秋不書其出奔之迹以見其意魯方有難國人
迎而歸之春秋善其反也特變文而書之曰季子來
歸字而不名春秋深善之也不書至未嘗見執也不
書所自魯人迎之也陸氏曰聖人善其歸不譏其去
以明變而得中進退不違道也

冬齊仲孫來

仲孫齊之大夫於時魯方有難齊侯使來窺之不書

使仲孫得專使之宜因受命來魯遂寧魯難春秋嘉之特書其字曰齊仲孫來齊威有窺魯之心而仲孫止之不言使不受君命也魯之危亡在於旦夕而仲孫存之不書其名魯人德之也春秋之法大夫外交則書之曰來隱元年祭伯來是也仲孫受命齊侯實將窺魯而取之仲孫不受君命反為辭以存魯人臣外交也春秋惡其無別特書其字以旌之陸氏曰存鄰國之美者莫過於仲孫高子此說是也公穀皆曰

仲孫者公子慶父也繫之齊外之也按春秋之作所以懲亂實魯慶父而書齊仲孫不惟義不明亦何以止亂乎皆非也

二年春王正月齊人遷陽

趙子曰徙而臣之曰遷陽國也齊彊遷之為已附庸之國也齊稱人貶之也諸侯雖有國之大小爵之尊卑然皆受地於天子而為已同列恃其彊大而遷為附庸蓋其罪不可勝誅矣不書曰滅宗祀復存也

夏五月乙酉吉禘于莊公

禘之說見於詩見於春秋見於論語中庸孔子之意則同而傳記諸儒之說紛紜不合不可齊一要當折衷於孔子爾春秋之言禘曰吉禘于莊公又曰禘于太廟用致夫人莊公之卒在前年之八月至閏二年之五月猶未三年也書吉禘未可以吉禘而言也斥言莊公不于太廟不配于祖也哀姜之薨在僖之元年至于八年始禘而致之因夫人而禘禘又致夫人

也春秋書禘者二皆失禮非常譏之則書之爾春秋之法祭祀失禮者斥言祭名因下事而書但書曰事禘嘗烝繹失禮書之大事有事於祭無譏但因下事爾大事于太廟躋僖公大事者禘也有事于太廟仲遂卒于垂有事于武宮叔弓卒有事者烝嘗也禘大於烝嘗故加大以別之烝嘗常事故但曰有爾大事無譏而躋僖公失禮不得書禘也有事無譏而仲遂叔弓之卒非常不得書烝嘗也蓋禘者天子諸侯審

禘昭穆之祭名也羣公之宮合食太祖已祧之主升
享于廟自天子諸侯三年之喪則宗廟之祭皆廢不
舉至于喪畢則遷親盡者之祧致新死者之主審別
昭穆大祭於太廟於是而行禘禮焉閔公之喪未除
而莊公之主入於廟乃適也夫人不當致太廟未當
禘用者不宜用也故亦譏之而書禘書致也詩周頌
雍之序曰雍禘太祖也長發之序曰長發大禘也雖
之詩曰宣哲維人文武維后又曰既右烈考亦右文

母然則雖詩之所及止於文武爾非大禘也語曰三家者以雍徹若雍為大禘不應三家止用於徹祭而孔子譏之亦但曰相維辟公天子穆穆奚取於三家之堂蓋三家之僭但僭徹祭之歌不僭禘樂也若竇僭禘樂孔子罪之當更著明不得但以天子辟公為說也長發之詩曰濬哲維商長發其祥蓋商者契之始封也又曰相土烈烈海外有截相土契之孫也又曰帝命不違至于湯齊然則商之禘祭自契而下也

曰相土者自契而下也賢君故特舉之爾由此觀之
商之禘禘契而下至于湯湯以來皆常廟而祫之者
故不序也論語之言曰禘自既灌而往者吾不欲觀
之矣中庸之言曰明乎郊社之禮禘嘗之義治國其
如示諸掌乎蓋孔子之言魯禘則譏既灌以往其論
治國則先郊社而後禘嘗則禘嘗之禮達於諸侯郊
社之禮大於禘嘗亦以明矣今叅以諸經考之則天
子之禘不及於祖之自出而諸侯之國類皆得也大

傳曰禮不王不禘王者禘其祖之所自出又祭法
曰殷人禘嚳而郊冥不知禮記諸篇何從而知不王
不禘禘大於郊也春秋之法祭祀非常失禮者書祭
祀之名故郊者天子之禮也魯諸侯不得郊而成王
妄賜魯公僭受春秋凡郊事之失禮者并郊書之以
此見郊之非禮禘嘗之祭失禮不在於祭者但曰大
事有事而已春秋不譏禘之非禮則不王不禘之說
非也長發之詩殷之大禘也而詩之所及惟曰商焉

不云魯也諸儒從而廣之曰周之禘禘魯之禘禘
文王闕宮之詩其序魯事備矣其辭曰皇皇后帝皇
祖后稷又曰周公皇祖亦其福女蓋魯之郊郊稷故
曰后稷也魯之禘禘周公故詩曰周公而不曰文王
也若實禘文王詩當叙之不應列序魯之始出而文
王獨遺魯不祀之故不言爾然則周之禘禘稷魯之
禘禘周公天子諸侯通得以行禘禮而禘小於郊無
疑也禮運曰魯之郊禘非禮也周公其衰矣祭統曰

成王追念周公賜之重祭郊社禘嘗是也禮記諸篇
但見春秋所載郊社禘嘗之名遂以為皆天子之禮
不知社稷禘嘗皆諸侯所得祭者爾魯之用天子禮
樂蓋成王尊寵周公使之郊天爾其他典禮自循本
爵也諸儒苟見春秋載之不復究其實便為之說故
相承致誤也但當以孔子所刪為之據諸儒之說不
可憑也

秋八月辛丑公薨

閔公之薨不地見弑於慶父也春秋魯史臣子之禮
義不可言君之弑故但曰公薨也弑君之賊討則書
葬閔公之賊不討而使之出奔春秋不記其葬所以
罪魯之臣子也穀梁曰不以討母葬子也按弑閔公
者慶父爾春秋不討哀姜乃當書葬賊不討不葬母
又不書葬何以分別乎穀梁之說非

九月夫人姜氏孫于邾

文姜之孫也不稱姜氏所以令齊絕之哀姜之孫也

稱姜氏以明邾非姜氏父母之國其得絕之無疑焉
邾容而受之為有罪爾春秋深罪邾之容他國夫人
也特曰夫人姜氏孫于邾以見其不絕之罪穀梁曰
諱奔也按內不言奔乃春秋臣子之法所以待之至
而責之周爾何得謂之諱乎

公子慶父出奔莒

慶父比弑二君魯之臣子不能討而殺之至今出奔
也春秋之法弑君之賊不能討於當時則春秋不復

見之蓋聖人疾之甚者欲其即討不欲見其復生也
特書慶父之奔蓋深罪魯之臣子爾穀梁曰其日出
絕之也按魯大夫之奔例皆書出何獨慶父特言絕
乎非也

冬齊高子來盟

莊公死子般閔公皆遭賊弑魯曠年無君齊威以伯
者之義使高子來盟平魯亂春秋賢高子得專使之
道受命不受辭終立僖公賢君而魯難遂已不言齊

侯使之所以見其能使不書其名所以善乎平亂公
羊曰我無君也趙子非之曰既與魯盟即是致命若
不致命如何盟乎

十有二月狄入衛

按左氏載狄人伐衛之事以為衛滅而遷都也然春
狄但書曰入者蓋狄雖迫衛至於奔亡而未嘗居有
其地其後衛復見於經非狄滅而取之故不曰滅爾
鄭棄其師

詩清人之序曰高克好利而不顧其君文公惡而欲遠之不能使高克將兵而禦敵于境陳其師旅翱翔河上久而不召衆散而歸高克奔陳公子素惡高克進之不以禮文公退之不以道危國亡師之本蓋清人之詩深惡高克而兼罪文公然春秋書之曰鄭棄其師無罪高克云者高克之進之不以禮君惡之不能去則亦小人而已小人又何責之哉為之君者有罪爾文公惡其臣則放之可也不放之而乃與之衆

使禦寇于境高克竟奔而師衆潰散則非高克之罪
使之者有罪爾鄭之所以為鄭以其有鄭之師乃驅
其師而去之不得歸罪高克也春秋之法自取之者
以自取為文齊人殲于遂鄭棄其師梁亡之類是也
故不以其例而變文書之蓋聖人深罪之爾



春秋經解卷五